



Plaife à Messieurs , auoir le bon droit
pour recommandé en Iustice au pro-
cés d'entre

Estienne Pigney, appellant.

Contre Maistre Ioseph Pigney Chanoine à Langres , Intimé.

E fait est que en l'année 1621. au mois de Septembre, l'appellât auroit esté marié, & luy fut promis en faueur de mariage la somme de quatorze cens liures , qui fust payée incontinent apres le mariage consommé. Et en l'année 1622. l'intimé emprunte de l'appellant vnze cens soixante & cinq liures , dont il fit sa promesse de pur & loyal prest des deniers prouenus de son mariage , payable à volonté & en l'année 1623. l'appellant voyant que l'intimé ne tenoit compte de luy rendre ladite somme, l'auroit fait assigner par deuant le Iuge de Langres , en recognoissance de promesse, pour se voir condamner au payement de la somme y contenuë, l'intimé à ceste demande fournit de defences , par lesquelles il dit n'auoir moyen lors de payer, d'autant que le reuenu de sa Prébande estoit affecté pour le payement d'vne somme deuë à vn nommé Thibault qu'il deuoit payer pendant trois années , dont il en restoit encores à payer deux, & neantmoins pendant icelles offroit luy payer quatre vingts liures à la S. Martin de ladite année , & pareille somme audit jour S. Martin l'année suiuate, & pour le surplus demandoit tēps de trois ans pour payer, led. thibault estat payé, & en outre soustenoit qu'en tout cas l'appellant ne pouuoit pretendre que le tiers

du reuenu de sa Prébande, sur ce le Iuge rend sa sentence, du 23. Iuillet. 1623. par laquelle il condamne l'intimé à payer ladite somme de vnze cēs soixante & cinq liu. sçauoir à la S. Martin de ladite année six vingt liures, & pareille somme à mesme iour de l'année suiuiante, & pour le surplus à prendre sur le tiers de la Prébande dudit intimé iusques a plain & entier payement du contenu en ladite promesse & par chacun an, qui sont les termes de ladite sentence plus fauorable à l'intimé que ses deffences mesmes, en ce qu'il luy donne plus long terme de payement qu'il ne demandoit, laquelle sentence est de verité executée par l'appellant pour les deux premiers termes, esperant l'appellant que pour le surplus, le tiers de la Prébande dudit intimé luy estoit adjudgé à l'aduenir par le moyen duquel il esperoit estre promptement payé du reste de son deub & toutesfois en execution de laquelle l'appellant ayant fait faire commandement à l'intimé de payer & à son reffus fait saisir le reuenu de sadite Prébande, & comme l'appellant pense toucher le tiers de ladite Prébande la troisiésme année, l'intimé le fait assigner pardeuant lesdits Iuges de Langres, pour voir dire qu'il auroit main leuée desdites saisies aux offres qu'il faisoit de continuer & payer à l'aduenir tous les ans la somme de six vingt liures, jusques à plain & entier payement, à quoy l'appellant ayant soustenu que par le iugement cy-dessus datté, le tiers de sadite Prébande luy estoit adjudgé, & par consequent l'intimé n'estoit receuable en sa requeste, surquoy le Iuge le 25. Nouembre, 1625. ordonne que ladite sentence du 23. Iuillet, 1623. luy sera mise en main pour faire droit, sur le maintenu & empeschement des parties, & ce pendant intime les parties au lendemain pour compter & receuoir les six vingt liures offerts par l'intimé, sans préjudice dudit apoincté en droit, pourquoy faire les pieces luy seroient mises en main dans huiétaine sans autre forclusion auparauant laquelle expirée, le Iuge fauorisant l'intimé prononce sa sentence le 3. Decembre, 1625. sans aucun commandement ny forclusion de produire, par laquelle le dit Iuge contrariant à sa premiere sentence en ce qu'il auoit dit que le reste de son deub seroit pris sur le tiers de la Prébande de l'intimé, neantmoins il ordonne que l'appellant se contentera tous les ans de la somme de six vingt liures, & sans despens, & sans luy auoir adjudgé aucun interest, & par icelle donne main leuée des saisies faite à la requeste de l'appellât de laquelle sentēce l'appellât

ayāt interjecté appel, ledit Iuge fauorisant ledit intimé, il or-
 donne par autre sentence du 5. Ianuier, 1626. que la derniere sen-
 tence sera executée nonobstant & sans préjudice dudit appel &
 tous autres a interjecter, de laquelle est aussi appel, qui sont les
 appellations qui se presentent à juger, esquelles appellations
 ledit appellant se trouuerra dautant mieux fondé que par les sen-
 tences, se recognoit la grande faueur de laquelle ledit Iuge a vsé à
 l'endroit de l'intimé, en ce que par la premiere sentence, il ne s'est
 pas contenté d'auoir donné vn delay de deux à trois ans de payer,
 sans adjuger aucun profit de la somme ny despens, bien que ladi-
 te somme procedde de la dot de la femme de l'appellant, qui est la
 meilleure partie de son bien, que si lescdites sentences estoient con-
 firmée & que l'appellant ne receut sa somme que peu à peu, il la
 consommeroit en deux & trois ans, & en apres il seroit reduit luy
 & sa famille à mendicité, mais encores par la derniere sentence
 en voulant interpreter la premiere, il a fait deux notables griefs à
 l'appellant le premier, en ce que prématurement il a rendu ladite
 sentence auant le delay de huiétaine espiré de produire, & l'autre
 en ce qu'il a renouuellé vn delay à l'intimé de payer la somme deuë
 à l'infiny qui est du tout contaire à la premiere sentence, & en-
 cores a ordonné par vne troisieme sentence que les jugemens se-
 roient executez nonobstant lescdites appellations, ce qui est plus
 injuste dautant que la somme excedoit son pouuoir. A quoy la
 Cour aura s'il luy plaist, esgard en jugeant le procès. *et de reuer l'intimé pour*
Souloir sans trouuer sa cause bonne a l'impes. & cause d'apel que la somme par luy
deuë soit & y doy gratien & qui est iuste fu du contraire par la prom. p. p.
 Monsieur Ruellé, Rapporteur.

